

Fundargerð 985. fundar

stjórnar Sambands íslenskra sveitarfélaga

Árið 2025, föstudaginn 26. september kl. 12:00 kom stjórn Sambands íslenskra sveitarfélaga saman til fundar og fór hann fram í gegnum fjarfundarbúnað.

Fundinn sátu: Jón Björn Hákonarson, Einar Þorsteinsson, Hildur Björnsdóttir, Hjálmar Sveinsson, Anna Sigríður Guðnadóttir, Rósa Guðbjartsdóttir, Einar Brandsson, Álfhildur Leifsdóttir, Freyr Antonsson, Helgi Kjartansson og Walter Fannar Kristjánsson.

Nanný Arna Guðmundsdóttir boðaði forföll, varamaður hennar Álfhildur Leifsdóttir mætti í hennar stað. Margrét Ólöf A. Sanders boðaði forföll, varamaður hennar Helgi Kjartansson mætti í hennar stað.

Að auki sátu fundinn Arnar Þór Sævarsson, Inga Rún Ólafsdóttir, Valgerður Rún Benediktsdóttir, Grétar Sveinn Theodórsson, Helga María Pálsdóttir, Þórdís Sveinsdóttir, Saga Guðmundsdóttir og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerð 984. fundar - 2509141SA

Lögð fram til kynningar fundargerð 984. fundar stjórnar Sambandsins frá 12. september 2025, sem undirrituð hefur verið með rafrænum hætti.

2. Drög að umsögn um frumvarp til fjárlaga fyrir árið 2026 - 2509351SA

Lagðar fram áherslur í umsögn um frumvarp til fjárlaga fyrir árið 2026, 1. mál.

Stjórn þakkar fyrir yfirferðina og felur yfirlögfræðingi að ganga frá umsögn í samræmi við umræður á fundinum.

Hildur Björnsdóttir kom inn á fundinn kl. 12:20.

3. Skráning lögheimilis í frístundabyggð - 2509010SA

Lagt fram minnisblað yfirlögfræðings Sambandsins, dags. 18. september 2025, um samantekt úr vinnustofu um skráningu lögheimilis í frístundabyggð.

Stjórn felur framkvæmdastjóra að funda með viðeigandi ráðuneytum og stofnunum til að óska eftir nauðsynlegum breytingum á lögum og verklagi í samræmi við niðurstöður vinnustofunnar.

4. Ábatagreining á stafrænu samstarfi hins opinbera - KPMG - 2509309SA

Sviðsstjóri þróunarsviðs Sambandsins gerði grein fyrir málinu.

Stjórn þakkar fyrir áhugaverða kynningu og telur rétt að vinna áfram að auknu samstarfi hins opinbera í stafrænum málum sem leitt getur af sér aukna hagkvæmni og betri nýtingu fjármagns sem nú fer í málaflökkinn hjá opinberum aðilum.

5. Samræmd móttaka flóttafólks - breytt fyrirkomulag - 2509187SA

Framkvæmdastjóri og sviðsstjóri stjórnsýslusviðs Sambandsins gerðu grein fyrir stöðu mála.

Stjórn leggur áherslu á að Sambandið verði í þéttnu samstarfi við móttöku sveitarfélögin um áframhald málsins.

6. Frumvarp til laga um breytingar á sveitarstjórnarlögum nr. 138/2011 - 2509478SA

Lagt fram til kynningar frumvarp til laga um breytingar á sveitarstjórnarlögum ásamt fylgigögnum.

Stjórn felur framkvæmdastjóra að óska eftir að ráðuneytið kynni fyrirhugaðar lagabreytingar fyrir sveitarstjórnarstiginu. Þá verði drög að umsögn Sambandsins um frumvarpið lögð fyrir næsta stjórnarfund þann 10. október næstkomandi. Ljóst er að hluti breytinganna, svo sem um stærð sveitarfélaga, lítur að sjálfstjórnarvaldi og hvetur Sambandið sveitarfélög til að veita sjálf umsögn um þau atriði sem og önnur þau sem snert geta sveitarfélögin með misjöfnum hætti.

7. Áform um frumvarp til laga um breytingu á lögum nr. 70/1996, um réttindi og skyldur starfsmanna ríkisins - 2509482SA

Lagt fram áform um frumvarp til laga um breytingu á lögum um réttindi og skyldur starfsmanna ríkisins sem og áhrifamati lagasetningarinnar.

Stjórn Sambandsins styður við breytingarnar en leggur höfuðáherslu á að sveitarfélögin komi að áframhaldandi undirbúningsvinnu við gerð frumvarpsins þannig að tryggt verði að réttindi og skyldur allra opinberra starfsmanna, bæði ríkis og sveitarfélaga, verði hin sömu hvað varðar uppsagnarvernd almennt og afnám áminningarskyldu. Það verði best tryggt með því að lög um réttindi og skyldur starfsmanna ríkisins gildi einnig um starfsfólk sveitarfélaga þannig að umgjörðin sé sú sama hjá opinberum starfsmönnum.

8. Tilnefning í úthlutunarnefnd Menntarannsóknasjóðs - 2509046SA

Lagt fram til kynningar bréf Sambandsins til mennta- og barnamálaráðuneytisins, dags. 16. september 2025, þar sem Edda Björg Sigurðardóttir, grunn- og tónlistarskólafulltrúi á fræðslu- og frístundasviði Garðabæjar, og Sigurður Arnar Sigurðsson, skólastjóri Grundaskóla á Akranesi, eru tilnefnd í úthlutunarnefnd Menntarannsóknasjóðs. Það þeirra sem ráðherra skipar ekki verður varamaður hins.

9. Tilnefning í bókasafnaráð - 2509349SA

Lagt fram til kynningar bréf Sambandsins til menningar-, nýsköpunar- og háskólaráðuneytisins, dags. 23. september 2025, þar sem Njörður Sigurðsson, bæjarfulltrúi í Hveragerði, og Jónína Brynjólfssdóttir, forseti bæjarstjórnar í Múlaþingi, eru tilnefnd í bókasafnaráð.

10. Tilnefning í Félagsdóm - 2509330SA

Lagt fram til kynningar bréf Sambandsins til félags- og húsnæðismálaráðuneytisins, dags. 23. september 2025, þar sem Stefán Ólafsson, lögmaður, er tilnefndur í Félagsdóm.

11. Tilnefning í vinnuhóp um fráveitumál - 2509388SA

Lagt fram til kynningar bréf Sambandsins til umhverfis-, orku- og loftslagsráðuneytisins, dags. 23. september 2025, þar sem Sigríður Vilhjálmisdóttir, lögfræðingur á stjórnarsýslusviði Sambandsins, er tilnefnd í vinnuhóp um fráveitumál.

12. Umsögn um áform um breytingar á lögum um atvinnuleysistryggingar - 2509332SA

Lögð fram til kynningar umsögn Sambandsins til félags- og húsnæðismálaráðuneytisins, dags. 19. september 2025, um áform um breytingar á lögum um atvinnuleysistryggingar, mál nr. S-159/2025.

13. Umsögn um áform um breytingu á ýmsum lögum vegna einföldunar regluverks og aukinnar skilvirkni eftirlits með hollustuháttum, mengunarvörnum og matvælum - 2509411SA

Lögð fram til kynningar umsögn Sambandsins til umhverfis-, orku- og loftslagsráðuneytisins, dags. 19. september 2025, um áform um breytingu á ýmsum lögum vegna einföldunar regluverks og aukinnar skilvirkni eftirlits með hollustuháttum, mengunarvörnum og matvælum, mál nr. S-160/2025.

14. Umsögn um drög að aðgerðaáætlun í málefnum hinsegin fólks 2026-2029 - 2509463SA

Lögð fram til kynningar umsögn Sambandsins til dómsmálaráðuneytisins, dags. 22. september 2025, um drög að aðgerðaáætlun í málefnum hinsegin fólks 2026-2029, mál nr. S-157/2025.

Fundi var slitið kl. 15:30